



# Kgoho le Lefokolodi

Winy Asara  
Sesotho (S.Africa)





Kgoho le Lefokolodi e ne e le metswalle. Empa ba ne ba dula ba hlodisana. Tsatsi le leng ba qeta ka ho ba bapala bolo ya maoto ho bona hore na ke mang eo e leng sebakadi se hlwahlwa.

Ba ile ba ya lebaleng la bolo mme ba qala papadi ya bona. Kgoho o ne a le lebelo, empa Lefokolodi a le lebelo ho mo feta. Kgoho o rahela hole, empa Lefokolodi o rahela hole ho mo feta. Kgoho o ile a qala a sarelwa.





Ba ile ba nka qeto ya ho raha dipenale. Lefokolodi ya e ba yena pele ho ba sethibathibane. Kgoho o ile a hlaba ntlha e le nngwe feela. Ya eba nako ya hore Kgoho a sireletse ntlha.




Lefokolodi o ile a raha bolo a hlaba ntlha.

Lefokolodi o ile a mo fekefa a ba a hlaba ntlha. Lefokolodi o ile a thula bolo ka hlooho a hlaba ntlha.

Lefokolodi o ile a hlaba dintlha tse hlano.

Kgoho o ne a halefile hore o hlotswe. E ne e le mohlodiwa e mobe haholo. Lefokodi o ile a qala ho tsheha hobane motswalle wa hae o ne a etsa diphoso.





Kgoho o ne a halefile hoo a bileng a bula molomo wa hae haholo a kwenya Lefokolodi.

Ha Kgoho a tsamaya ho ya hae, a kopana le Mma Lefokolodi. Mma Lefokolodi a mmotsa, "Ha o so bone ngwanaka?" Kgoho a se ke a araba.

Mma Lefokolodi o ne a tshwenyehile.







Yaba Mma Lefokolodi o utlwa lentswe le lesesane. "Nthuse Mme!" ha utlwahala lentswe le llang. Mma Lefokolodi a qamaka a mamedisisa ka hloko. Lentswe le ne le tswa ka hara Kgoho.



Mma Lefokolodi a hweletsa,  
“Sebedisa matla a hao a ikgethang  
ngwanaka!” Mafokolodi a ka ntsha  
monko o mobe le tatso e mpe  
haholo. Kgoho a qala ho ikutlwa a  
kula.

Kgoho a bohla. A kwenya a ba a tshwela. A thimola a ba a hohlola. A ba a hohlola. Lefokolodi o ne a le mobe!



Kgoho a hohlola a ba a ntsha  
Lefokolodi ya neng a le ka mpeng ya  
hae. Mma Lefokolodi le ngwana wa  
hae ba ngwangwarela sefate ho  
ipata.



Ho tloha mohleng oo,dikgoho le mafokolodi esale e le dira.



# Kgoho le Lefokolodi

Writer: Winny Asara

Translated By: Tseliso Masolane

Language: Sesotho (S.Africa)



This story was written by a student teacher at Arua PTC in Uganda.

© African Storybook Initiative, 2014



This work is licensed under a Creative Commons Attribution  
(CC-BY) Version 3.0 Unported Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

**Saide**   
South African Institute  
for Distance Education

[www.africanstorybook.org](http://www.africanstorybook.org)  
A Saide Initiative